

Noord-Boland Wonderkamp: 19 – 21 April

Vir weke word daar gewonder en gegis
Waar sal dit wees? Ons moet net nie die afdraai mis!
Is ek dalk kampleier, moet ek kosmaak of o griet, dalk preek?
Tog net nie dit nie—ek's dan n leek!!

Tot by du Toitskloof- of Goudini Kelder
Word daar gery en 'n bottel wyn gekry.
Daar is die leidraad ook-- duidelik en helder:
Net om die draai is Die Watergat; ja, dis hy!!

So daag almal stuk-stuk op
Almal met 'n glimlag as hul daar stop.
Só begin 'n wonder-naweek mos!
Omring met wonderskone landskappe en die wonderlikste kos.

Vrydagaand word ons toe verras met kaas en wyn!
(Die wyn wat ons so getrou gekoop het—sonder 'n vraag)
Die heerlikste kase, smere en konfyte kom te voorskyn
Met brode van alle geure en kleure—ai, my arme maag!!

Daarna word gekuier in die "army" tent
(wat daar aangebring is deur 'n Marius-vent)
En rondom die boma met konka en vlam.
Middernag is 'n geskarrel daar naby die dam
Want 'n gansie is verstrengel aan 'n visstok se ent!

'n Wonderskoneoggend breek toe aan
En elkeen vertrek op 'n ander baan.
Party se programme is taamlik dol
En ander kuier tot by die Mall.

Saterdagmiddag begin die gekook:
Groente word geskil en vure gestook
Vir 'n wondermaal deur almal berei.
Ons het selfs 2 voorgerigte gekry!

Ds Piet is toe ons wonder-predikant.
Hy vertel ons het van tyd--hier op aarde beperk
Maar onbeperk in die ewigheid—daar aan die anderkant.
So reik uit, gee om, wees lief: dit is reeds hier jou werk.

Wat 'n hoogtepunt was die tee daarna
"Cup cakes", in Sawa se kleure, sonder weerga!
Met sjokolade 30's en druiwetrossies
Noord Boland was mos 30 jaar- flussies.

Pluimbal word toe gespeel deur 4 veterane
Tot aanskoue van hul wat se status is: ruê en bene.
Asof ons dan tog so fiks is- my hene.
Môre as ons uit die bed klim, loop ook ons trane!

So kom ons dan aan die einde van die wonder- naweek
Gereël deur 2 wonderlike mense—(duidelik nie-leek.)
Baie dankie Corrie en Fred
Jul kan nou rustig en tevreden gaan rus op jul bed.

Alle dank aan ons liewe Heer
Wat ook ons voorregte beheer
Dat ons ons in u natuur mag verheerlik
Is ook sonder U genade onontbeerlik

Geskryf deur: Marietjie Albrecht